

GrønlandsBANKEN-imi paasissutissat pillugit ileqqorissaarnermut politikki pillugu nassuiaat:

GrønlandsBANKEN 2021-mi paasissutissat pillugit ileqqorissaarnermut politikkimik akuersissuteqarpoq. Politikkip tamatuma imarai GrønlandsBANKEN-ip paasissutissat pillugit ileqqorissaarnermut tunngaviit aamma paasissutissat pillugit ileqqorissaarnermut pissusilersuutitut sinaakkutit.

GrønlandsBANKEN-imi ima paasissutissat atortarpagut kiisalu paasissutissat pillugit ileqqorissaarnermi isumaliutersuutit tulliuuttut malillugit sulisarpugut:

GrønlandsBANKEN-ip sullitat paasissutissanik atuinera

GrønlandsBANKEN-imi paasissutissat annertuut, matuma ataani inummut paasissutissat katersorlugillu toqqoqqasarpagut. Taamaattumik GrønlandsBANKEN-imi aamma eqqumaffigaarput paasissutissanut akisussaassuseqarnerup pingaaruteqassusaa, kiisalu paasissutissanik atuinitta akisussaassuseqartumik pissasoq tatigineqarnissaa. Kissaatigaarput ersarissuutissallugu, paasissutissat suna tunngavigalugu atortarnerigut, kiisalu paasissutissanik illersuineramik suliniuteqarneq qanoq pingaarnersiorneripput.

GrønlandsBANKEN-imut pingaaruteqarpoq, GrønlandsBANKEN-ip sullitai kiisalu avatangiisit GrønlandsBANKEN-ip paasissutissanik toqqorsinermit piginnaasat pillugit annertuumik tatigineqarnissaaq. GrønlandsBANKEN-ip sullitaanut aamma sulisuisa inuunerannut ataqqinninneq GrønlandsBANKEN-imut pingaartitaavoq tunngavisoq, aamma GrønlandsBANKEN-ip nammineq inuenermi eqqissisimasuunissap illersorneqarnissaanut pisinnaatitaaffik illersorpaa.

GrønlandsBANKEN-ip sullitat pillugit paasissutissanik atuinerani ammasuuneq ersarissuunerlu

Sullitap ataqqinassusaa qulakkeerniarlugu sullitanut ataasiakkaanut GrønlandsBANKEN-ip paasissutissanik toqqorsisarnerani ammasuuneq ersarissuunerlu pissapput. GrønlandsBANKEN-ip sullitaasa aamma qaqagukkulluunniit paasisinnaassavaat, inummut paasissutissat imminnut tunngasut suut GrønlandsBANKEN-ip toqqoqqanera, qanoq toqqoqqanera aamma sumut atornerqarnersut.

Sullitat paasissutissanik, taakku pillugu toqqoqqasatsinnik nammineq aalajangiisinaanerat qulakkeerniarlugu, GrønlandsBANKEN-ip sulissutigiarppaa, paasissutissat sapinngisamik aaqqissuussamik suliarineqartarnissaat, taamaasilluta ilisimasuaannarniarlugu, paasissutissat suut sullitanut ataasiakkaanut tunngasut toqqoqqanerlugit.

Tamatuma saniatigut GrønlandsBANKEN-ip ilaatigut qulakkeertarpaa, paasissutissat taakku inummut paasissutissat pineqartut suliarineqarnissaanut siunertamit piffissami sivilisunerusumi pisariaqartumit toqqoqqaneqartanninnissaat.

GrønlandsBANKEN-ip paasissutissanik suliaqarnerani, paasissutissanik suliaqarneq sullitanik immikkoortiterinermit atatillugu oqimaaqatigiinnermik naapertuilluanngitsumik pilersitsisumik paasissutissat atornerq ajorpagut.

Paasissutissanik pissarsiniarneq

GrønlandsBANKEN-ip paasissutissat, pisariaqartut, kiisalu GrønlandsBANKEN-ip inatsisit naapertorlugit suliarinnaasai kisiisa katersorlugillu toqqoqqasarpai. Qulakkeerneqartuaannassaaq, paasissutissanik

katersineq, inunnut atatinneqarsinnaasoq, inatsisit tunngavigalugit pisassasoq, ilaatigut inatsisit naapertorlugit pisinnaalluni imaluunniit sullitap isumaqatigiissutiginera imaluunniit akuersissuteqarnera tunngavigalugit.

GrønlandsBANKEN-ip avatangiisinut ukkataqarnera

GrønlandsBANKEN sullitat saniatigut avatangiisini siammasissumik attuumassuteqarpoq. Taamaattumik GrønlandsBANKEN-imi eqqumaffigaarput, aamma siammasissumik akisussaaffeqarluta, paasissutissanik ileqqorissaarnermi eqqortumik suliaqarnissamut tunngatillugu.

Aningaasarsiornermi ingerlataqarfimmi peqataasutut GrønlandsBANKEN-ip paasissutissanik atuinera teknikkimut tunngasorujussuuvoq, aammali annertuumik inatsisitigut kiisalu inuiaqatigiinnut tunngasunut, piviusumut peqataaffigisamut tunngatillugu. Ilaatigut oqartussaasut suleqatigaagut kiisalu paasissutissanik tunniussinissamut pisussaaffipput malittarparput, GrønlandsBANKEN tamanna pillugu piumaffiqeqaraangat. GrønlandsBANKEN-ip aamma aningaasanik peqquserlunnikkut pissarsianik malunnarunnaarsaaneq allallu pinerlunnerit pillugit oqartussaasut suleqatigisarpai, paasissutissanik attuumassuteqartunik nalunaaruteqartarluni.

Suleqatigisat allat paasissutissanik suliaqartarneri

GrønlandsBANKEN-ip allanik suleqateqarnermini ass. aningaaseriviup datacentralianik, realkreditinstitutinik, peqatigiiffinnik aningaasaliisartunik aamma sillimmasiisarfinnik GrønlandsBANKEN-ip qulakkeertarpa, sullitat pillugit paasissutissanik illersuineq nammineq illersuinititut annertutigisoq.

GrønlandsBANKEN attuumassuteqartunut allanut paasissutissanik suliaqarnissamut isumaqatigiissuteqartarpoq nakkutigisarlugulu, allat GrønlandsBANKEN-ip piumasaqaataanik malinninnersut, matuma ataani paasissutissat pillugit ileqqorissaarnermut politikkimik.

GrønlandsBANKEN sullitat pillugit paasissutissanik imaluunniit paasissutissanik allanik allanut tunisineq ajorpoq.

Qarasaasiaq atorlugu eqqarsaatersuutissanik paasiniaasoq - AI

Teknologiimi nutaanik periarfissaqarneratigut soorlu qarasaasiaq atorlugu eqqarsaatersuutissanik paasiniaasumik, aamma AI-tut taaneqartartoq, attaveqatigiinnerup ikiorsernissaanut, suleriaatsit sunniuteqarlualernissaanut aamma niuernerup annertusarnissaanut ilippanaatinik annertunerusunik periarfissaqalerpoq, sullitanut ataasiakkaanut immikkut itturnik nioqqutinik pissarsiariuminartunik aamma sullitamut tulluurtunik neqerooruteqarnissaq periarfissaalersimmagu.

GrønlandsBANKEN-ip AI-mik, ullutsinni suli inatsisiliorfigineqarsimannngitsup isumannaatsumik atuinissamut atatillugu aningaaserinermi ingerlataqarfiup innersuussutai utaqqivai. GrønlandsBANKEN-ip kissaatigaa AI-mik atuinermut sinaakkutinik isumannaatumik kiisalu peqqissaartumik ineriartortitseqataanissaq

kissaatigaa, teknologii, naleqquttumik atorineqaruni suliffeqarfinnut, sullitanut aamma inuiaqatigiinnut annertuumik iluaqutaasinnaammat.

GrønlandsBANKEN-imi malittarisassanik malinninneq aamma sulisut piginnaasaanik sungiusaaneq

GrønlandsBANKEN-ip paasissutissat pillugit ileqqorissaarnermut politikkaa GrønlandsBANKEN-imi aqutsisunut aamma sulisunut tamanut pisussaaffiliivoq. Matumani aqutsisut immikkut akisussaaffeqarput, maligassiuisussaallutik kiisalu qulakkiissallugu, sulisut tamarmik politikki tamanna ilisimassagaat malissagaallu.

GrønlandsBANKEN-ip ilanngullugu pingaarnerutippaa, sulisut paasissutissat pillugit ileqqorissaarneq, paasissutissat isumannaatsuunerat aamma inuit pillugit paasissutissanik eqqortumik suliaqarneq pillugit ilisimasaqarluarnissaat, ilaatigut ass. sulisunik tamanik sungiusaajuarnikkut, ilinniartitsinikkut aamma ilinniartitseqqinnikkut.

GrønlandsBANKEN-ip anguniarpaa sulisut akornanni 'kukkunermi positivimik kultureqarnermik' ineriartortitsinissaq, tassani kukkunerit aamma ajornartorsiutit pillugit ammasuuneq pitsanngorsaaneermik kinguneqartarluni. Inummut paasissutissanik suliaqarnermut atatillugu unammillernartut nalorninerillu pilersinnaapput. GrønlandsBANKEN-ip ajornartorsiutit taakku sulisoqatigiit akornanni oqallisigalugillu aaqqiivigisinnaassavai kiisalu 'kukkunermi positivimik kultureqarneq' pileriartortissallugu, tamatumani kukkunerit ajornartorsiutillu ingerlaavartumik pitsanngorsaaneermik kinguneqartarlutik. Taamaattumik kultureqarnissamut piumasaqaataavoq, GrønlandsBANKEN-ip sulisuisa nassuerutiginninnissamut imaluunniit ass. suliffeqarfiup whistlebloweqarnermik aqqissuussinera aqqutigalugu tikkuaasinnaanissamut sapiissuseqarnissaat.

GrønlandsBANKEN-ip sulisui paasissutissat pillugit ileqqorissaarneq pillugu sungiusarneqartarput, misilitsinneqartarput nalilersorneqartarlutillu ingerlaavartumik awareness-imik.

Inissisimaffiit aamma akisussaaffiit

Paasissutissat pillugit ileqqorissaarnermik ulluinnarni suliaqarneq GrønlandsBANKEN-ip niuernerimi immikkoortuini attuumassuteqartuni, ulluinnarni ingerlatsinerimi paasissutissat pillugit ileqqorissaarnermik atuutilersitsinissamut kiisalu paasissutissat pillugit ileqqorissaarnermut GrønlandsBANKEN-ip sinaakkutaanik aamma anguniagaanik atulersitsinissamik akisussaaffeqartuni ingerlasarpoq.

Qullersaqarfiup akisussaaffigaa, paasissutissat pillugit ileqqorissaarnermut politikki GrønlandsBANKEN-ip ulluinnarni ingerlatsinerani eqqussinissaq.

GrønlandsBANKEN-ip paasissutissat pillugit ileqqorissaarnermi eqqumaffigisassat inatsimmik eqqortitsinermit malinninnermillu pingaarnerusutut isigai. GrønlandsBANKEN-ip taamaasilluni paasissutissat pillugit ileqqorissaarneq pillugu aalajaalluni suliniuteqarnissaq, inatsisitigut malittarisassanik malinninnissamit annertunerusutut anguniarpaa.